

ՀԻՆ ՀԱՅ ՇԻՆԱԿԱՆՈՒԹԻՒՆԸ

Գրեց՝ ՊՐՈՖ. Ն. ԱՅՈՆՑ

I

Հայ անդրանիկ համալսարանը հրատարակել է իր անդրանիկ «Գիտական տեղեկագիրը»:

Առիթը Հայաստանի լիտերատուրային հանձնաժողովին է եղել եւ տեղեկագիրը նուիրում է Հայ բանուոր-գիւղացիներին (իմա՝ բանուորներին եւ գիւղացիներին): Հրատարակութիւնը տօնական երեւոյթի հանգամանք ունի եւ օրուան պատշաճ յօդուածն է՝ «Դիտողութիւններ հին Հայաստանի շինականների դրութեան մասին»: Հեղինակն է պ. Յակոբ Մանանդեան, Երեւանի համալսարանի պրոֆեսորներից:

Յօդուածագիրը իրաւամբ դանդաղում է որ մեր անցեալը մնում է տակաւին մութ, «մանաւանդ հայոց պատմական կեանքի ներքին իրական կողմերը, նրա սոցիալ-տնտեսական ու քաղաքական առանձնայատուկ հիմնական ոյժերը»: Հետեւում է տխուր յայտարարութիւն, որ այդպիսի աշխատութիւններ չկան եւ որ իր յօդուածը նախապատրաստական աշխատանք է միայն, մի շարք դիտողութիւններ, որոնց նպատակն է պարզել «շինական դասի դրութեան հաւանական ընդհանուր գծերը մարդպանական Հայաստանում»:

Յօդուածագիրը յայտնում է, որ շինականների վիճակը «ամենադժուար ուսումնասիրելի խնդիրներից մէկն է», որ մատենագրական աղբիւրները յատկապէս այս մասին «լուռ ու մունջ» են: Այսպէս է խօսում յօդուածի ներածականում: Իսկ վերջը, ուսումնասիրութիւնը կատարելուց յետոյ, իրաւունք է համարում յայտարարել, որ շինական դասի դրութիւնը «այնքան էլ մութ եւ անորոշ է, ինչպէս մինչեւ այժմ կարծուել է»: Ասել է թէ դժուարութիւնները հարթուել են, մութ խնդիրը լուսաւորել:

Տեսնենք, ի՞նչ լոյս է բերում պ. Մանանդեանը շինական դասին:

Առաջին միտքն, որ յայտնում է, յուսախարութեան սառն ջուր է, իբրեւ թէ հնում

համայնական հողատիրութիւն է եղել Հայաստանում եւ Արշակունեաց շրջանում եւ նրանից յետոյ: Աւելի հրապուրիչ նորութիւն էլ որ կարելի ընծայարեւել «բանուոր-գիւղացիներին»:

Սակայն, բանահիւսութիւնը իրաւամբ կարող է խորհել այս նորութիւնից: Հայաստանի երկու խոշոր հարեւան պետութիւնները, իրանական արեւելքը եւ բիւզանդական արեւմուտքը, որոնց ազդեցութեան տակ կերտուած է Հայ կեանքը, ծանօթ չեն բնաւ համայնական հողատիրութեան: Արեւելեան Ֆէոդալականութիւնը գիտէ սոհմային հողատիրութիւն, բայց ոչ համայնական: Ինչ վերաբերում է Բիւզանդիային, մինչեւ վերջին ժամանակներս արդարեւ ընդունուած կարծիք էր, որ համայնատիրական տնտեսութիւններ են եղել, բայց այժմս հերքուած է այս տեսութիւնը բոլորովին, խնդրին նայող պատմական յիշատակաբանների լուրջ քննութեամբ:

Այսպիսի պայմաններում համայնատիրական կարգեր որոնել Հայաստանում, նշանակում է առնուազն արկածաւոր գիւտեր անել:

Եւ ի՞նչ հիմ ունի պ. Մանանդեան:

* * *

Պրեննացիի պատմում է, որ Վաղարշակ թագաւորը սահմանեց որ միայն անդրանիկ որդին ապրէ իր մօտ արքունիքում, իսկ միւսները դնան բնակելու Հաշտենից գաւառը: Արտաւազը թագաւորը նոյն նկատմամբ իր մօտ է պահում միայն երէց որդուն, իսկ միւսներին յատկացնում է Աղիովիտ եւ Առբերանի գաւառները:

Տիրան արքայի ժամանակ Հաշտենիցք նեղ գտնելով իրենց սահմանները խնդրում են, որ ընդարձակէ իրենց ժառանգութիւնը: Թագաւորը հրամայում է, որ մի մասը դնայ Աղիովիտ եւ Առբերանի, իրենց ազգակիցներին մօտ: Սակայն, վերջիններս տրտնջում են, առարկելով որ իրենց հողն եւս պակաս է: Տիրանը մղձուժ է՝ «ոչ այլ ժառանգութիւն տալ նոցա, բայց զոր ունէին հաւասար տրոհել